



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-053-5/26**

Datum: **09.04.2026. godine**

„Agencija za vodno područje rijeke Save“ Sarajevo, rješavajući po zahtjevu investitora JP „Rad“ d.o.o. Lukavac za izdavanje vodne saglasnosti na projektnu dokumentaciju za aktivnost kojom je obuhvaćena sanacija postojeće deponije komunalnog otpada „Potočari“ i izgradnja pratećih sadržaja prilagođenih regionalnom konceptu odlaganja otpada, na osnovu člana 114. stav (1) i člana 121. stav (3) Zakona o vodama („Službene novine Federacije BiH“, broj 70/06) i člana 67 stav (2) Zakona o upravnom postupku („Službene novine Federacije BiH“, broj 02/98, 48/99 i 61/22) d o n o s i

ZAKLJUČAK

Odbacuje se zahtjev investitora JP „Rad“ d.o.o. Lukavac za izdavanje vodne saglasnosti na projektnu dokumentaciju za aktivnost kojom je obuhvaćena sanacija postojeće deponije komunalnog otpada „Potočari“ i izgradnja pratećih sadržaja prilagođenih regionalnom konceptu odlaganja otpada, jer nisu ispunjeni uslovi propisani rješenjem o prethodnoj vodnoj saglasnosti, a koji su bili uslov za izdavanje rješenja o vodnoj saglasnosti i isti se smatra kao da nije ni podnesen.

Obrazloženje

Na zahtjev Investitora JP „Rad“ d.o.o. Lukavac dana 16.02.2026. godine pokrenut je postupak za izdavanje vodne saglasnosti na projektnu dokumentaciju za aktivnost kojom je obuhvaćena sanacija postojeće deponije komunalnog otpada „Potočari“ i izgradnja pratećih sadržaja prilagođenih regionalnom konceptu odlaganja otpada.

Uz zahtjev je dostavljena slijedeća dokumentacija:

- Rješenje o izmjenama podataka, broj:032-0-Reg-24-000956 od 04.07.2024. godine – ovjerena kopija,
- Uvjerenje o registraciji poreznog obveznika od 14.03.2019. godine izdato od strane Kantonalnog poreznog ureda u Tuzli – ovjerena kopija,
- Rješenje, broj:12/1-19-025288/23 od 29.08.2023. godine izdato od strane Ministarstva prostornog uređenja i zaštite okolice Tuzlanskog kantona – kopija,
- Dokaz o uplaćenju federalnoj upravnoj pristojbi na zahtjev.

Nakon prijema i pregleda dostavljene dokumentacije dana 19.02.2026. godine aktom broj: UP-1/21-2-40-053-2/26 od investitora je zatražena dopuna podneska u skladu sa odredbama Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22) i Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20, 96/20, 1/24). Istaknuto je da je Agencija pravnom licu, Gradu Lukavac, izdala rješenje o vodnoj saglasnosti na projektnu dokumentaciju kojom je obuhvaćena aktivnost sanacije postojeće deponije komunalnog otpada „Potočari“ i izgradnja pratećih sadržaja prilagođenih regionalnom konceptu odlaganja otpada, broj: UP-1/21-2-40-208-8/23 od 26.07.2023. godine.

Uz uvažavanje svih činjenica i okolnosti koje su navedene u aktu, broj:02-10-481/26 od 09.02.2026. godine koji je dostavljen uz zahtjev za izdavanje rješenja, bilo je neophodno da zahtjev dopuni sa slijedećim dokumentima:

- Glavni projekat sanacije i zatvaranja postojeće deponije komunalnog otpada Općine Lukavac i izgradnja pratećih sadržaja prilagođenih regionalnom konceptu odlaganja, urađen od strane „Sendo“ d.o.o. Sarajevo, maj 2021. godine,
- Glavni projekat sanacije i zatvaranja postojeće deponije komunalnog otpada Općine Lukavac i izgradnja pratećih sadržaja prilagođenih regionalnom konceptu odlaganja, knjiga 2-hidrotehnički dio, urađen od strane „Sendo“ d.o.o. Sarajevo, maj 2021. godine,
- Rješenje o urbanističkoj saglasnosti izdato od strane nadležnog organa,

- Rješenje o okolinskoj dozvoli izdato od strane nadležnog organa,
- Rješenje kojim je pravnom licu JP „Rad“ d.o.o. Lukavac izdata dozvola za aktivnosti upravljanja otpadom na postojećoj deponiji.

Krajnji rok za dostavljanje traženih dokumenata bio je 09.03.2026. godine.

Investitor JP „Rad“ d.o.o. Lukavac se aktom broj: 02-10-931/26 od 13.03.2026. godine obratio sa zahtjevom za prolongiranje roka za dostavljanje tražene dokumentacije.

Na zahtjev investitora rok je prolongiran do 01.04.2026. godine, kada je i organizovan sastanak u prostorijama Agencije i sagledane mogućnosti izdavanja rješenja o vodnoj saglasnosti. Obzirom da pravno lice nije ishodovalo rješenje o urbanističkoj saglasnosti, rješenje o okolinskoj dozvoli, od strane nadležnih organa, dogovoreno je da se ovaj postupak okonča donošenjem zaključka o odbacivanju zahtjeva, a da će investitor JP Rad d.o.o. Lukavac podnijeti novi zahtjev za izdavanje rješenja o prethodnoj vodnoj saglasnosti u postupku ishodovanja urbanističke saglasnosti i okolinske dozvole za predmetnu aktivnost.

Kako podnositelj zahtjeva nije ispunio uslove koji su određeni prethodnom vodnom saglasnošću, a koji su bili uslov za izdavanje vodne saglasnosti u ostavljenom roku, kao ni do dana donošenja ovog Zaključka, na osnovu člana 114. stav (1) i u skladu sa članom 121. stav (3) Zakona o vodama člana 67. stav (2) Zakona o upravnom postupku, riješeno kao u dispozitivu ovog zaključka.

Uputa o pravnom lijeku:


Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.grad.

Dostaviti:

- JP RAD d.o.o.

Partizanski put bb, 75300 Lukavac,

⊖ AVP Sava, ISV – Vodna knjiga,

- Org. jed. 40 – Arhiva,

- AVP Sava – Oglasna ploča